

ერთი მხრივ, შპს „ტტ მოტორსი“ (ს/კ 400104542) (შემდგომში „შემსრულებელი“), წარმოდგენილი მისი ტექნიკური მენეჯერის დავით ტურაშვილის სახით და მეორე მხრივ, ა(ა)იპ „ახმეტის მუნიციპალიტეტის კულტურის ცენტრი“ (ს/კ 224631423) (შემდგომში „დამკვეთი“), წარმოდგენილი მისი დირექტორის კახა მამულასვილის სახით, საქართველოს კანონმდებლობის, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის და საკუთარი ნების საფუძველზე ვთანხმდებით შემდეგზე:

დამკვეთი და შემსრულებელი ცალ-ცალკე ასევე მოხსენებულნი არიან როგორც „მხარე“ ან ერთობლივად - „მხარეები“.

პრეამბულა

წინამდებარე ხელშეკრულება შედგენილია საქართველოს 2017 წლის 1 დეკემბრის მთავრობის N510 დადგენილება ავტოსატრანსპორტო საშუალებისა და მათი მისაბმელების პერიოდული ტექნიკური ინსპექტირების შესახებ ტექნიკური რეგლამენტის და საქართველოს სამოქალაქო კოდექსის საფუძველზე გასაწევი მომსახურების მხარეთა შორის ურთიერთობის დასარეგულირებლად:

- პირობები, რომლებიც არ რეგულირდება წინამდებარე ხელშეკრულებით, რეგულირდება საქართველოს 2017 წლის 1 დეკემბრის მთავრობის N510 დადგენილება ავტოსატრანსპორტო საშუალებისა და მათი მისაბმელების პერიოდული ტექნიკური ინსპექტირების შესახებ ტექნიკური რეგლამენტის, საქართველოს მთავრობის 2014 წლის 3 იანვრის N37 დადგენილება ტექნიკური რეგლამენტის სხვადასხვა კატეგორიის ავტოსატრანსპორტო საშუალებების ტესტირების პერიოდულობის დამტკიცების თაობაზე, საქართველოს მთავრობის 2017 წლის 1 დეკემბრის დადგენილება N522 „ტექნიკური რეგლამენტის „სხვადასხვაკატეგორიის ავტოსატრანსპორტო საშუალებების ტესტირების პერიოდულობის დამტკიცების თაობაზე საქართველოს მთავრობის 2014 წლის 3 იანვრის N37 დადგენილებაში ცვლილებების შეტანის შესახებ და საქართველოს სამოქალაქო კოდექსის მიხედვით.
- შემსრულებელი ადასტურებს, რომ აკრედიტირებულია წინამდებარე ხელშეკრულებით დადგენილი მიზნებისათვის გასაწევი მომსახურების გაწევისათვის და აკმაყოფილებს საქართველოს მთავრობის 2017 წლის 1 დეკემბრის N511 დადგენილებას, კერძოდ ტექნიკური რეგლამენტის „ავტოსატრანსპორტო საშუალების პერიოდული ტექნიკური ინსპექტირების ცენტრების შენობა-ნაგებობების, აღჭურვილობისა და პერსონალის ტექნიკური კვალიფიკაციის მიმართ მოთხოვნებს.
- მუხლი1: ხელშეკრულების საგანი
 - 1.1 ხელშეკრულების საგანია CPV71600000-ტექნიკური შემოწმება, ანალიზი და საკონსულტაციო მომსახურებები, CPV71631000 - მომსახურებები ტექნიკური შემოწმების სფეროში. „შემსრულებელი“ იღებს ვალდებულებას მომსახურება გაუწიოს „დამკვეთს“ წინამდებარე მომსახურების ხელშეკრულების (შემდგომში „ხელშეკრულება“) პრეამბულაში მოცემული დადგენილებების მიხედვით, კერძოდ განახორციელოს დანართი N1-ით განსაზღვრული ავტოსატრანსპორტო საშუალებათა ტექნიკური დათვალიერება, ხოლო დამკვეთი უზრუნველყოფს გაწეული მომსახურების ანაზღაურებას საქართველოს მთავრობის 2014 წლის 3 იანვრის N37 დადგენილების თანახმად.
 - 1.2 წინამდებარე მომსახურების ხელშეკრულების ფარგლებში შემსრულებელი გაუწევს მომსახურებას ავტოსატრანსპორტო საშუალებებს საქართველოს მთავრობის 2014 წლის 3 იანვრის N37 დადგენილების ტექნიკური რეგლამენტის „სხვადასხვა კატეგორიის ავტოსატრანსპორტო საშუალებების ტესტირების

პერიოდულობის“ დანართი N1-ში განსაზღვრული შემდეგი კატეგორიის ავტოსატრანსპორტო საშუალებებს: M₁, M₂, N₁.

- 1.3 წინამდებარე ხელშეკრულებაზე თანდართული დანართი N1, რომელიც მოიცავს ავტოსატრანსპორტო საშუალებათა ჩამონათვალს, ჩამოყალიბებულია მხარეთა მიერ და წარმოადგენს ამ ხელშეკრულების განუყოფელ ნაწილს, რომელიც მასთან ერთად მოქმედებს.
- 1.4 შემსრულებელი მომსახურებას გაუწევს წინამდებარე ხელშეკრულების დანართი N1-ში გათვალისწინებულ ავტოსატრანსპორტო საშუალებებს. ხელშეკრულების 1.2. პუნქტში მოცემული კატეგორიების მიხედვით.
- **მუხლი 2: მომსახურების გაწევის ადგილი და ვადა:**
- 2.1 მომსახურების გაწევის ადგილია ქ. თელავი, თბილისის გზატკეცილი N20
- 2.2 მომსახურების გაწევის ვადაა 22.05.2019წ-22.06.2019წ.

მუხლი 3: შესყიდვის ობიექტის მიღება-ჩაბარების წესი

3.1. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების და საგადასახადო ანგარიშ-ფაქტურის ან/და სასაქონლო ზედნადების წარმოდგენის შემდეგ.

3.2 დამკვეთის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს ააიპ „ახმეტის მუნიციპალიტეტის კეთილმოწყობის და გარე განათების სამსახურის“ დირექტორი ილია მაისურაძე.

მუხლი 4: მომსახურების ღირებულება და ანგარიშსწორების პირობები

- 4.1 წინამდებარე ხელშეკრულებით გათვალისწინებული მომსახურების ღირებულება დამოკიდებულია და დადგენილია საქართველოს მთავრობის 2014 წლის 3 იანვრის N37 დადგენილების და შესაბამისად მასში შესული 2017 წლის 1 დეკემბრის N522 დადგენილებით გათვალისწინებული ცვლილების შესაბამისად, კერძოდ:

ავტოსატრანსპორტო საშუალების კატეგორია	ფასი (ერთი ავტოსატრანსპორტო საშუალება)
M ₁	60 ლარი
M ₂	100 ლარი
N ₁	60 ლარი
ჯამი	220 ლარი

წინამდებარე ხელშეკრულებით გათვალისწინებული მომსახურების სრული ღირებულება განისაზღვრება დანართი N1-ის და ზემოაღნიშნული ცხრილის მიხედვით, ფაქტობრივად გაწეული მომსახურების ღირებულების ჯამური ოდენობით, მოიცავს საგადასახადო კოდექსით გათვალისწინებულ ყველა გადასახადს და შეადგენს 220 (ორას ოცი) ლარს.

- 4.2 ანგარიშსწორება განხორციელდება მომსახურების დასრულებიდან **5 (ხუთი)** სამუშაო დღეში მიღება-ჩაბარების აქტის გაფორმების და შემსრულებლის მიერ წარდგენილი საგადახდო ანგარიშ-ფაქტურის შესაბამისად.
- 4.3 გადახდა წარმოებს უნაღდო ანგარიშსწორებით და დამკვეთის მხრიდან ანგარიშსწორების ვალდებულება შესრულებულად ითვლება შემსრულებლის ქვემოთ მოცემული საბანკო ანგარიშზე თანხის აღრიცხვის მომენტიდან.

•

• **მუხლი 5: ხელშეკრულების მოქმედების ვადა**

5.1 ხელშეკრულებით დადგენილი მომსახურების ვადა აითვლება წინამდებარე ხელშეკრულების ხელმოწერის თარიღიდან და გაგრძელდება 22/06/2019მდე.

მუხლი 6: მხარეთა ვალდებულებები:

• 6.1 შემსრულებელი ვალდებულია:

შეასრულოს წინამდებარე ხელშეკრულებით გათვალისწინებული ყველა პირობა და დაიცვას ვადა ჯეროვნად და კეთილსინდისიერად.

- შეასრულოს მომსახურება წინამდებარე ხელშეკრულების პრეამბულაში გათვალისწინებული რეგულაციების მიხედვით დროულად და სრულყოფილად.

6.2 შემსრულებელი უფლებამოსილია:

- უარი უთხრას მომსახურების განხორციელებაზე დამკვეთს, იმ შემთხვევაში თუ კი დამკვეთის ავტოსატრანსპორტო საშუალება არ შეესაბამება დამკვეთის მიერ წარმოდგენილ დოკუმენტაციას.
- გადაავადოს ავტოსატრანსპორტო საშუალების შემოწმება გონივრული ვადით.

6.3 დამკვეთის ვალდებულებები:

- შეასრულოს წინამდებარე ხელშეკრულებით გათვალისწინებული ყველა პირობა და დაიცვას ვადა ჯეროვნად და კეთილსინდისიერად.
- განახორციელოს ანგარიშსწორება დროულად, წინამდებარე ხელშეკრულებით დადგენილ ვადებში.
- უზრუნველყოს ავტოსატრანსპორტო საშუალების გადაცემა შემსრულებლისთვის მასთან შეთანხმებულ ზუსტ დროს მომსახურების გასაწევად.
- დაიცვას რიგითობა მომსახურების მისაღებად.

მუხლი 7: ხელშეკრულების შეწყვეტა

- 7.1 ხელშეკრულება შეიძლება შეწყდეს მხარეთა შორის ურთიერთშეთანხმების საფუძველზე.
- 7.2 ხელშეკრულების ცალმხრივად შეწყვეტის შემთხვევაში მხარემ უნდა გაუგზავნოს მეორე მხარეს შეწყვეტის შესახებ შეტყობინება 5 (ხუთი) სამუშაო დღით ადრე. თუ აღნიშნული შეწყვეტა ხორციელდება დამკვეთის მხრიდან, შემსრულებელი ვალდებულია გაითვალისწინოს და არ მოემსახუროს დანართ N1-ში და რეგლამენტით გათვალისწინებული წესით აღრიცხულ ავტოსატრანსპორტო საშუალებებს ზემოაღნიშნული წერილის ჩაბარების თარიღიდან.

მუხლი 8: მხარეთა პასუხისმგებლობა:

- 8.1 იმ შემთხვევაში, თუ კი მხარეთა მიერ მე-7 მუხლით გათვალისწინებული ხელშეკრულების ცალმხრივად შეწყვეტა მოხდება, დამკვეთი ვალდებულია აუნაზღაუროს შემსრულებელს ამ პერიოდში ფაქტობრივად გაწეული სამუშაოს ღირებულება, რომელიც გამოითვლება წინამდებარე ხელშეკრულების მე-2 მუხლში განსაზღვრული მომსახურების ღირებულებიდან.
- 8.2 ანგარიშსწორების ვადის დარღვევის შემთხვევაში, შემსრულებელს შეუძლია მოსთხოვოს დამკვეთს გადაუხადოს პირგასამტეხლო ყოველ ვადაგადაცილებულ დღეზე ხელშეკრულების მე-2 პუნქტის მიხედვით განსაზღვრული მომსახურების სრული ღირებულების 0.1 %-ის ოდენობით.
- 8.3 მხარეების მიერ ხელშეკრულებით გათვალისწინებული პირობების შეუსრულებლობა გამოიწვევს საქართველოში მოქმედი კანონმდებლობით გათვალისწინებულ პასუხისმგებლობებს.

მუხლი 9: ფორს-მაჟორი:

- 9.1 მხარეები თავისუფლდებიან წინამდებარე ხელშეკრულებით გათვალისწინებული ვალდებულებებისგან თუ კი შეუსრულებლობა გამოწვეულია ფორს-მაჟორული გარემოებებიდან გამომდინარე.
- 9.2 ფორს-მაჟორულ გარემოებათ ითვლება საქართველოს კანონმდებლობით გათვალისწინებული ყველა შესაბამისი გარემოება, სიტუაცია, რომელიც გამოწვეულია დაუძლეველი ძალით და მისი თავიდან აცილება შეუძლებელია (ნებისმიერი სტიქიური მოვლენა, გაფიცვები, ომები და ა.შ.).
- 9.3 ფორს-მაჟორული გარემოებების დადგომისას მხარეები ვალდებულნი არიან მიიღონ მათ ხელთ არსებული ყველა ზომა ასეთ გარემოებათა შედეგების აღმოსაფხვრელად.
- 9.4 ფორს-მაჟორული გარემოებების დადგომისას მხარეების მიერ ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოებების დასრულებამდე ან/და გაგრძელდება იმ ვადით, რა დროითაც გრძელდებოდა ფორს-მაჟორული გარემოებები.

მუხლი 10: კონფიდენციალურობა:

10.1 მხარეები პასუხისმგებლობას კისრულობენ დაიცვან კონფიდენციალურობის პრინციპი და არ გადასცენ მესამე პირებს ინფორმაცია, რომელიც გამჟღავნდა წინამდებარე ხელშეკრულების მოქმედების განმავლობაში და არ წარმოადგენს საჯარო ინფორმაციას.

მუხლი 11: ხელშეკრულების დამატებითი პირობები:

- 11.1 მხარეთა შორის წინამდებარე ხელშეკრულებასთან დაკავშირებული ნებისმიერი დავა გადაწყდება მოლაპარაკების გზით.
- 11.2 მხარეთა შორის მოლაპარაკების გზით შეთანხმების მიუღწევლობის შემთხვევაში წინამდებარე ხელშეკრულებასთან დაკავშირებით წარმოშობილი ნებისმიერი დავა დარეგულირდება საქართველოს მოქმედი კანონმდებლობით.
- 11.3 წინამდებარე ხელშეკრულებაზე ხელმოწერით დამკვეთი აცხადებს თანხმობას მისი პერსონალური მონაცემების დამუშავებაზე და ასევე აცხადებს თანხმობას დანართ N1-ში განსაზღვრულ ავტოსატრანსპორტო საშუალებების ვიდეოჩანაწერში ასახვაზე მომსახურების შესრულებისას შემდგომი გაუგებრობის თავიდან არიდების მიზნით.
- 11.4 წინამდებარე ხელშეკრულების მოქმედების ვადის განმავლობაში ნებისმიერ მიმოწერას წინამდებარე ხელშეკრულებით გათვალისწინებული საკითხების შესახებ აქვს იურიდიული ძალა.

- 11.5 ხელშეკრულება შედგენილი ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი გადაეცემა შემსრულებელს ხოლო მეორე დამკვეთს.

- მხარეთა ხელმოწერები და რეკვიზიტები:

<p>„შემსრულებელი“</p> <p>შპს „ტტ მოტორსი“</p> <p>ტექნიკური მენჯერი: დავითი ტურაშვილი</p> <p>საკონტაქტო : 579 92 19 19</p> <p>პ/ნ : 20801072426</p> <p>ლიბერთი ბანკი</p> <p>ა/ა GE92LB0113184173302000</p> <p>SWIFT კოდი : LBRTGE22</p> <p>ს/კ: 400104542</p> <p>ელ.ფოსტა: ttmotorsres@gmail.com</p> <p>ტელ: (0350) 27 09 08</p> <p>-----</p>	<p>„დამკვეთი“</p> <p>ააიპ „ახმეტის მუნიციპალიტეტის კულტურის ცენტრი“</p> <p>დირექტორი</p> <p>კახა მამულაშვილი</p> <p>ს/კ:224631423</p> <p>სახელმწიფო ხაზინა:TRESGE</p> <p>ტელ:591 01 01 77</p> <p>-----</p>
--	--

#	მარკა	მოდელი	სერიანომერი	ვინ კოდი	ავტოსატრანსპ. საშუალების კატეგორია
1	VAZ	2107	GHG 657		M ₁